

UMS ambil langkah proaktif bantu pelajar kurang mampu

NST 5-9-2013 3

KOTA KINABALU: Universiti Malaysia Sabah (UMS) mengambil langkah proaktif dengan menjalankan program mekanisme mod kemasukan baru dalam usaha membantu pelajar kurang berkemampuan.

Naib Canselor UMS, Prof Datuk Dr Mohd Harun Abdullah berkata; program tersebut merupakan salah satu agenda tanggungjawab sosial korporat (CSR) UMS untuk memberikan peluang kepada pelajar miskin melanjutkan pelajaran ke peringkat lebih tinggi.

"Pelajar ini dipilih menerusi saringan dan tapisan yang dilakukan oleh beberapa agensi seperti Jabatan Pelajaran, Jabatan Kebajikan Masyarakat, sekolah, Ketua masyarakat dan UMS sendiri.

"Sesi turun, padang dijalankan serentak bagi melihat sendiri keadaan persekitaran dan sosioekonomi keluarga pelajar dan bagi calon yang layak akan diberikan surat tawaran untuk melanjutkan pelajaran ke UMS," katanya dalam ucapannya pada majlis lafaz ikrar dan

Aku janji Siswa/Siswi baharu, di sini kelmarin.

Melalui program terbabit, sebanyak 100 pelajar diberi peluang untuk berjaya dan membantu keluarga keluar dari lingkungan kesusahan.

Menurut Harun, UMS juga akan membentuk satu jawatankuasa khas bagi memantau perkembangan pelajaran dan sahsiah diri pelajar terlibat supaya tidak terpesong daripada matlamat asal.

"Usaha ini akan diteruskan dari semasa ke semasa bagi menyahut seruan dan hasrat kerajaan dalam membantu komuniti dan masyarakat setempat agar taraf hidup golongan tidak berkemampuan dapat ditingkatkan melalui pendidikan," katanya.

Dalam pada itu, sesi kemasukan pelajar 2013/2014 telah menyaksikan UMS telah menerima sejumlah 4,954 pelajar baharu dengan 137 daripadanya adalah pelajar antara-bangsa Fiji, Algeria, Brunei, China dan Mal-



IKRAR...Para pelajar baru UMS bagi kemasukan 2013/2014 menunaikan lafaz ikrar dan aku janji sebagai pelajar UMS.

dives.

Turut hadir, Ketua Menteri yang juga Pro Canselor UMS, Datuk Seri Musa Haji Aman, Ahli-Ahli Lembaga Pengarah UMS, Pegawai-Pegawai Utama dan Kanan Universiti

dan Ketua Pengarah Minggu Suai Mesra (MSM) Sesi 2013/2014, Prof. Madya Dr. Murnizam Halik. **-OLEH BALQIS JAMALUDIN** (balqis@newsabah-times.com.my)